

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS VIII. IANVARII

M. CLAVDIO LE VASSEVR, Doctore Medico, Præsidente.

An motus cordis à sanguinis fermentatione?

SPIRITVS Genitor per totum feminis corpus diffusus & cuncta permeans, operisque sui diuturnitatis non minùs audis quàm conformationis, duobus ad illius stabilitatem & firmitatem planè necessariis vitur, motu scilicet & nutritione; illo calorem partibus intimis quasi sopitum & torpescerem excitat, hâc humidum primigenium partiumque substantiam calore absumente marcescentem refarcit & reparat; Quam ad rem nihil aptius, nihil accommodatius inuenit sanguine, cujus gratiâ ne vagus & incertus viæ huc illuc deſcenderet, canales & tubulos qui illum conficerent, continerent, & per quos tanquam per aquæ ductus excurrere liceret, efformant. Hi per gyros & amfraçus multiplici fobole in cor veluti in vnum coëuntes punctum, à quo exoriantur, & in quod definunt, neſtar illud viuificum non affatim & vniuerſim, ſed ſenſim & per vices in illud viſcus nobiliſſimum important & exportant. In ipſo colore & calore proprio & indefinenti motu, cujus principium eſt & cauſa, acquirit, quo partes omnes alluendæ alendæque perfectiori veluti vitâ & vigore recreentur; ſingulis partibus calorem & ſpiritum, vitæ principia juſtâ proportionem cor ita diſpenſat, vt ſi ſemel afficiatur, ipſi mox omnia conſentire, omneſque per æquæ partes ne munus explant impediti certum ſit; ex corde, quod aliis eſt animus, exordes ſunt & concordēs, illud præpotenti & naturali motu quo pollet omnibus ſecunditate largitur, nec alterius auxilio indiget ad motum quod omnia mouet. Et licet ſanguis naturâ ſua fluidus ebullitione factâ, ſummâ vi & impetu in cordis capacitate appellat & intratur, plûſque calor inibi quàm in aliis partibus repererit; non tantam idcirco rarefactionem indiſcitur, vt per ſe viſcus cuius motus ſunt ordinati ad motum valentiorē cogat.

COR ad ſui tutelam & præſidium leui tunicâ proprio quaſi ſepimento obuallatur & obuoluitur: In eâ tenuis & modicus humor, qui tamen æſtuanti ſufficit, deprehenditur. Hic autem humor non ex vaporibus cordis membranorum frigore denſatis, ſed ex potius por-tiunculâ in thoracem illabente genitus in illius refrigerationem & commodum abſumitur, ne fortè ardore aſſiduo ob frequentes, ne dicam perpetuos motus illi proprios ſtammam duriorum corporum inſtar conciperet, ex quorum attritu mutuo ſcintillæ, quæ nuſquam ex aëre inflammato ſunt, ſolent excitari. In medio thorace ſitus eſt ſol ille viuificus, vitalem ſpiritum & influxum in omnia extrema æqualiter diſfundens, cujus magnitudo, quæ ex ſe quidem exigua eſt, non in omnibus eadem & æqualis cernitur; Timidis & ignauis grandius cor datum eſt, audacibus puſſimum aut mediocre: Illud per ſingulos annos ad quinquageſimum viſque augeſcit, & ab ipſo ad extremum ſenium decreſcere fabuloſum eſt. Solida carne compaſtum eſt, ne in validis & aſſiduis moribus diſrumpereſet, & violentis quibus in dies afficitur paſſionibus obſiſteret. Villi quibus illius carnem intertexuit natura, & adnateſcentes circa ipſum pinguedinem non exſanguinis vt lactis ad conſociendum butyrum agitatione concreta, illudque vt ſeuum circumagendas rotas obliuienti, motûs illius neceſſitate oſtendunt. Cor ergo mouetur vt & cæteræ partes quæ ſuccum à ventriculo conſectum trahunt, deponunt, & nonnunquam excrementis exturbandis ingenti dolore cruciantur. Trifte aut iucundum finis eſt cujus gratiâ cor motum intendit; ſibi ipſi prius prof-picit, quàm reliquo corpori, nec vt aëri aditum præbeat dilatatur, nec vt fulgines diſcariat confringitur quod ad proprium ſitum redire amat. Hi motus vt ſimpliciores, ita naturâ prius exiſtunt, ex quibus non minima emanant beneficia naturæ cognita; dilata-tione nouus inſpiratur aër, qui compreſſione jam excalefactus & inutilis cum fuliginibus expellitur: & ita hiſce variis mutationibus cordis conſeruatæ temperies, quâ deſtructâ & pereunte, rota corporis æconomi cum ipſo corruit.

SYMPTOMATA quæ *ſæpius* nomine donatur ſæpiſſime, ſed perpetam, nihil aut minimùm à putredine diſtat; in eâ quippe ſubiles & magis actuoſe partes ab agente externo in motum concitate, ſe ſe quoquoqueſum explant, conanturque à ſe inuicem diſſolui, donec craſſiores, à quibus implicitæ detinentur, priorem niſu & actione ſubigantur attenuenturque, nec amplius pondere & grauitate tanquam vinculo colligatæ & coëctæ, vni cum illis in auras abeant: In eâ craſſa terrænæque materia inſtar farinæ cricicæ ſubactæ vi fer-menti in tumorem leuem ſimul & attollitur, conceptoque aëre diſtenditur, inſtat, & ebullit: Sic atque bilis melancholicæ, vel ſanguinis, vel flauæ bilis exultione genita acore ſuo quem contraxit aceto ſimillimum, in terram effuſa protinus vt multum in tumefcens ter-ræ partes abradit, quæ motione quâdam ſpirituſus in maiorem molem allurgunt; ſic factò per agitationem feruore *æſe*, quæ prius concreta fuerant, euadunt *ſæpius*. Non idem tamen in corde contingit, quod licet à primo ſue formationis momento recipro-catione perpetuâ dilatetur & confringatur, nuſquam fermentatione turgescit. Illud ne minima ſanguinis portio ſiniftri illius ventriculi calore fermentata, ſi alteri adnati ſanguini permisceatur, impellit ad motum. Poſſat cor vt incaleſcat, non calet vt moueatur; ab ipſo non modò æſtuat ſanguis, ſed etiam omnes & ſingulæ corporis partes motum muerantur à corde, cujus influxu deſtituit frigefunt. Nunquam impune feriat, imò illius tanta eſt neceſſitas ad vitam, vt nunquam repentina mors accidat niſi ceſſauerit.

NIHIL in animantium motionibus fortuitum, omnia naturæ ductu ſunt aut ab animâ: naturæ motus certî ſunt & deſiniti, animæ liberi & indefiniti; vnum & idem ſemper præſtat natura, leuia ſurſum feruntur, graui ponderis inclinatione concidunt. Cordis *ſæpius* in ſolâ conti-nuâque motûs agitatione conſiſtit, quam nec ſedare pro voluntatis arbitrio poſſumus, nec excitare. Hæc adeo cordi naturalis eſt & propria, vt etiam cor è thorace auſſum diu palpitet. Tandem viuit cor quândo mouetur, moritur cùm ceſſat moueri, iurè-que principium vitæ dici debet quod præſentia ſua vitam largitur, & abſentia admitit. Nihil ad calorem producendum magis efficaç pter motum, quem nec cordis, vt nec aliarum partium temperies, nec certa elementorum permixtio vniquam efficit. Hunc motum cor ſicut animalis facultas qui etis viſciſſitudine nuſquam interrumpit: quin potius ejuſdem perpetuâ motione, ingenti calore tanquam ſtammâ exteſcit, à quo tanquàm à ſole animal reſcitur, conſeruat, & viget. Abſit tamen vt credas vim illam in corde pullantem à vitali non diſcrepare; hæc in ſolo corde conſedit, illa arteriis & cordi communis eſt; hæc vitalis per cavitatem, illa per arteriæ tunicam inſiuit; hæc denique vires ſuas ad oſſa, cartilagineſ, carnem, ad omneſque corporis partes tranſmittit: præter cor & arterias pars omnino nulla agitur, & pulſat. Atteriarum motus cordis pulſationum magnitudine, tum celeritate & frequentia licet reſpondeat, ejuſdemque motus cauſa eadem ſit ac ea quæ cor mouet, hæc tamen dilatantur dum compreſſum cor in eas ſpiritum immittit, comprimin-tur in diſtrole. Cor ex venâ cauâ ſanguinem allicit in dextrum ſuum ſinum, & per venam arterioſam ſanguinem in pulmones eſſiuit, quem attenuatum per arteriam venoſam cum aëre in ſiniſtrum rapit, ex quo conſectum jam vitalem ſpiritum in aortam, ſimulque in minores arterias quæ tunc dilatantur emittit. Cæterum, præter hæc quæ cor ſuo motu, caloris inſtuentis pulſione, eſſiuit conſeruari gratiâ molitur, alium motum excoçitauit natura, circularem ſcilicet, quo ſanguis à corde per arterias ad extima, & ab extimis per venas ad cor refluere, vt partes quæ ob diſtanciam à corde calorem diutius conſeruate non valent, nouum denno ſanguinem & in puriores ſpiritus conuerſum hauriant.

COR ſtammâ ignis immortalis & puriſſimus, animæ quaſi *æſe* & ſeptum, facultatis vitalis ſedes præcipua. Putredinis impatiens eſt, nec viquam ſine ſummo vitæ diſpendio fermentum admittit. Quid enim aliud in fermentatione præter putredinem inuenire licet, quæ aliena eſt, præter aciditatem, quæ fortuita? Valeat ſuccus ille acidus, chylus à neoteris falſo creditus, & quem ad cor conſociendo ſanguini per vaſa lactea thoracica deſeri volunt, hic ſolùm refrigerando ſanguini aut diluendo potius inferuiat. Nutritum dulcibus, acidum cor non patitur. Si nonnihil in illius reſſibus fermenti naturam indueret, immineret ſuffocationis metus, aut in ſyncope, aliſque frigidis affectionibus coagulatus ille ſanguis in fermentum deſtinatur nec facile diſſipabilis, cordis ventriculos ob-turaret: Vnde mors inuitabilis. Ab ipſo fermento cor conſuſe ſemper & inordinatè, modò validiſ, modò debiliſ pulſaret, prout maior minorve fieret fermentatio, & arteriæ non vno eodemque momento pulſarent, ſi ſolius influentis ſpiritus & ſanguinis in vapori-bus extenuati copiâ implerentur, quod nequeat puncto temporis ſpiritus per arterias in corporis extrema peruadere. Dum feruet pectus iracundiæ & ſanguis circa cor ebullit, longè minor percipitur cordis pulſatio, quàm in timore, qui præ alluentia & craſſitate ſanguis ipſum premit & ſuffocat. Sicut in ollis lac aut oleum in momento non rareſcit & turget, vt neque quod in æolipilis aqueum eſt, ita nec in ſanguine tam ſubiti tot particularum inter ſe ſunt ſceſſus, qui cor violento motu & diſtentione ſummâ diſrumpereſet, quod ſe-cus donec ſanguis in illius ſuus fermentationem conſepſit, immotum maneret & languidum. Qui fermentationi cordis motum concedit, perinde facit ac ſi ſerret aut cuius inſtrumento efficiendi poteſtatem tribuit. Alteriſ vicibus cor deprimitur & attollitur, quod jugis & nunquam deſinens impeditet fermentatio. Exulet qui de his aliter ſenſerit, ne modico fermento totam Medicinæ maſſam hæretico acore corruptat.

Non ergo motus cordis à ſanguinis fermentatione.

DOMINI DOCTORES DISPVATVRI.

M. Nicolaus Robin.
M. Iacobus le Menestrel.
M. Carolus Brisset.

M. Nicolaus Bonuarlet.
M. Nicolaus Rainſſant.
M. Iacobus Boujonier.

M. Germanus Preaux.
M. Petrus le Comte.
M. Petrus Blondel.

Proponebat Lutetiæ PAVLVVS MATTOT parisiſus, Scholarum Archidiaconus, A. R. S. H. M. DC. LXV.